



Broj: JN-177/16
Sarajevo, 30.12.2016. godine

Na osnovu člana 64. stav (1) tačka b) člana 70 stav (1), (3) i (6) Zakona o javnim nabavkama ("Sl. glasnik BiH", broj 39/14), člana 8. Stav (1) tačka f) Pravilnika o uspostavljanju i radu Komisije za nabavke ("Sl.glasnik BiH", broj 103/14), a na osnovu Preporuke Komisije broj: JN-177/16 od 30.12.2016. godine, u postupku nabavke usluga izrade Programa zaštite divljači za period od 10 godina za nelovne površine na zaštićenim prirodnim područjima Kantona Sarajevo, direktor Kantonalne javne ustanove za zaštićena prirodna područja je d o n i o

O D L U K U **o izboru ponuđača**

Član 1.

Prihvata se Preporuka Komisije za javnu nabavku broj JN-177/16 od 30.12.2016. godine, te se dodjeljuje Ugovor o vršenju usluga izrade Programa zaštite divljači za period od 10 godina za nelovne površine na zaštićenim prirodnim područjima Kantona Sarajevo, čija cijena ponude iznosi 5.800,00 KM bez PDV-a odnosno 6.786,00 KM sa uključenim PDV-om.

Član 2.

Ugovor o vršenju predmetnih usluga dostavit će se na potpis izabranom ponuđaču iz člana 1. ove Odluke.

Član 3.

Ova odluka će se objaviti na web stranici Ustanove www.zppks.ba istovremeno sa slanjem ove Odluke izabranom ponuđaču.

Član 4.

Ova odluka stupa na snagu danom donošenja.

O b r a z l o ž e n j e

Na zaštićenim prirodnim područjima se nalaze produktivne površine koje osiguravaju uslove života, opstanka i razmnožavanja određenog broja divljači, te su potrebne kontinuirane intervencije usmjerene na gazdovanje ovom populacijom, što je u zadatku upravitelja prostora.

Odlukom o izmjenama odluke o osnivanju lovišta na području Kantona Sarajevo ("Službene novine Kantona Sarajevo", broj 51/15) definisano je da Kantonalna javna ustanova za zaštićena prirodna područja koja upravlja ustanovljenim zaštićenim prirodnim područjima ima obavezu da gospodari sa divljači u skladu sa donesenim zakonima o zaštiti područja kojima upravlja, kao i u skladu sa Zakonom o lovstvu.

Na osnovu podzakonskih dokumenata iz oblasti lovstva Ustanova je dužna osigurati izradu i donošenje planskog dokumenta za razdoblje od 10 godina kojim će osigurati zaštitu osnovnih vrsta divljači, kao i brigu o drugim životinjskim vrstama koje obitavaju u prostoru izvan ustanovljenih lovišta i na kojima je lov zabranjen.

Direktoru Ustanove je podnešen zahtjev za nabavkom usluga izrade Programa zaštite divljači za period od 10 godina za nelovne površine na zaštićenim prirodnim područjima Kantona Sarajevo.

Komisija za javnu nabavku je imenovana Odlukom broj: JN-177/16 od 25.11.2016. godine.

S obzirom da je procijenjena vrijednost nabavke 6.000,00 KM, nabavka je provedena putem direktnog sporazuma.

Komisija je izvršila ispitivanje tržišta te je zahtjev za dostavljanje pismenog prijedloga cijene upućen ponuđaču ŠUMARSKI FAKULTET Univerziteta u Sarajevu.

Navedeni ponuđač je dana 30.12.2016. godine dostavio pismeni prijedlog cijene navedene usluge broj: 01/1-3825/16. U svojoj ponudi je ponudio cijenu od 5.800,00 KM bez PDV-a, odnosno 6.786,00 KM sa uključenim PDV-om.

Nakon analize zaprimljene ponude, kao i zbog specifičnosti predmetne usluge Komisija je dala Preporuku direktoru da se ugovor o vršenju usluga izrade Programa zaštite divljači za period od 10 godina za nelovne površine na zaštićenim prirodnim područjima Kantona Sarajevo dodijeli ponuđaču ŠUMARSKI FAKULTET Univerziteta u Sarajevu.

Na osnovu gore izloženog, direktor je donio Odluku kao u dispozitivu.



DIREKTOR

mr. sci. Osman Delić

Dostaviti:

- Ponuđaču
- Za objavu na web stranici
- U spis predmeta